

宋

會

要

鹽法

淳熙元年二月五日廣

西運判趙善政言廣西鹽法再行官般緣乾道八年罷官般行鈔法之後本錢及舟車之屬必無存者乞權於帥漕司應干諸色錢內借撥應辦詔左藏南庫支借會子一十萬貫限一年撥還十四日准西總領單契乞比附左右司體例推行茶鹽實戶部勘當欲將建康務場自今歲終收起茶鹽及額總領與比左右司體例減半推賞從之三月二十八日詔左藏南庫給降會子二十五萬貫分下臨安平江紹興府明秀州主管監事措

置收買額外浮鹽報交引庫印鈔名客弄清將息錢赴
封樁庫別項椿管以備循環收換會子 四月七日浙
東提鹽司言溫台州買納正耗鹽數逐年支發比較皆
不及三分之一緣二州登山涉海從來少有大商興販
兼與福建州軍接連多被越界私鹽相侵緣此兩州鹽
場常有積剩不惟坐放鹵滙消折兼發泄不行致拖欠
亭戶本錢今約度每年合買鹽數將亭竈相度斟量減
併 台州三場元額買正耗鹽九萬石其竈眼亦須減
併黃巖場一百四竈所煎額正耗鹽六萬四千六百五
十四石今減併作七十四竈每年煎納正耗鹽三萬五
千石杜瀆場五十四竈煎納正耗鹽四萬三千六百八

台州三場元額買正耗鹽九萬石其竈眼亦須減併黃巖場一百四竈所煎額正耗鹽六萬四千六百五十四石今減併作七十四竈每年煎納正耗鹽三萬五千石杜瀆場五十四竈煎納正耗鹽四萬三千六百八

十石今減作三十五竈每年煎納正耗鹽三萬五千石
長亭場六十三竈煎正納耗鹽三萬五千九百七十八
石今減併作五十竈每年煎納三萬石温州五場元額
買正耗鹽一十九萬四千三百七十九石今斟量裁減
畝買正耗鹽一十三萬八千六十九石其竈眼亦合減
併天富南監五十八竈煎納正耗鹽七萬九千二百八
十七石今減併作四十竈每年煎納正耗鹽五萬二千
八百石天富北監六十三竈煎納正耗鹽四萬二千一
百六十九石今減併作四十二竈每年煎納正耗鹽二
萬八千六百七十七石永嘉場三十九竈煎納正耗鹽二萬
六千九百五十一石今減併作三十四竈每年煎納正

耗鹽二萬六千六百石長林場二十一竈煎納正耗鹽
二萬一千七百六十三石今減併作一十四竈每年煎
納正耗鹽一萬四千四百七十石雙穗場一十九竈煎
納正耗鹽二萬四千二百六十六石今減併作一十三竈每
年煎納正耗鹽一萬六千一百三十二石詔權依所乞
候支發增廣日却復額其福建越界私鹽令提鹽司同
逐州知通措置禁戢十六日推貨務言邇來私鹽盛
行已督責巡尉禁絕私販訪聞尚有豪猾專務脅持嘗
買私鹽人隨門強售乞自今降指揮以前曾賣私鹽罪
犯一切不問官司不得追究若再犯即依法科罪如自
能執捕販私鹽人赴官陳首除免罪外更與依推賞從

之 六月四日推貨務言筭請正額鹽鈔皆先差官發
合同號簿往主管司候客人勘合請鹽近明州秀州紹
興平江臨安府主管官間有買到額外鹽貨不過三二
百袋若逐時差官押發號簿委是素煩乞自今客人於
本務筭請明州秀州額外鹽鈔乞依許子中申請已得
指揮於正鈔上用印記聲說給賣從之 十二月十一
日浙西提舉陳峴言乞將本路管下鹽場改賣亭戶正
額鹽每斤支錢一十六文若額外浮鹽每斤增添三文
作一十九文庶亭戶効力廣行煎燒從之浙東見買浮
鹽依此 二年閏九月十四日詔浙東提鹽司體倣浙
西提鹽薛元鼎措置印給亭戶納鹽手歷式樣將合支

本錢盡數就秤下一併支給毋致積壓拖欠先是元鼎
措置印給買鹽手歷遍給亭戶今齎歷就秤下支錢仍
繳納所給式樣至是復令浙東行之三年二月二十
八日詔廣西轉運司將每歲所收官鹽息錢以十分為
率三分撥付諸州七分充漕司計歲先是廣州經畧
張栻言廣西官般官賣鹽舊來六分漕計四分諸州歲
用自乾道元年再行官賣以後漕司收其八分州軍止
得二分竊慮州軍窘匱因而作名色科取於民故有是
命既而栻又奏措置樁貯錢物以為一路鹽貨權行條
畫下項一漕司每歲撥銀鹽共七萬八千二百三十四羅
與州諸發賣收到息錢於內撥充諸州歲計其數以得

均平難便增添緣上件鹽貨諸州雖承認羅數然雖是有錢作本脚預先往諸倉請買歸州變賣即所認不是虛數息錢可以指準緣廣西諸州土瘠民貧兩稅所入甚微全藉般運鹽貨若漕司無本脚錢先買運下鹽貨諸州若無漕司寄棹錢按揭急闕百姓既乏鹽食諸州坐失息錢依前難以支吾利害非輕臣考究得漕司有見管錢四十萬貫係累年所積之數可以權行鹽貨即不可別行支用今措置欲將上項錢四十萬貫於白石藝林等八倉場存留二十萬貫為漕司言貨循環本脚之用於靜江府諸州存留二十萬貫為諸州按揭般運鹽貨之用委所屬通判簽判專一主管置籍出入如諸

州委有關之前期申漕司量行接借般運鹽到州變賣
委通判簽判拘收所借錢發歸元借寄樁庫無致失陷
一轉運司見今一歲共均撥鹽七萬八千二百三十四
羅靜江府二萬六千三百六十五羅柳州三千五百羅
鬱林州三千五百羅宜州四千三百九十羅容州三千
五百羅象州三千羅梧州二千羅潯州三千羅藤州二
千五百羅賀州五千羅融州二千七百羅橫州一千七
百羅貴州三千五百羅又一百七十九羅係抱認上供
錢邕州七千五百羅賓州二千五百羅昭州三千五百
羅又四百羅係轉運司抱認一分折布錢紐撥鹽付本
府般賣石所撥鹽羅數已定自今漕司不得更有增撥

一轉運司撥上項鹽付諸州般運發賣以地里遠近價
 錢不等靜江府每羅價錢十貫足本腳錢四貫三百五
 十三足息錢五貫六百四十七足柳州每羅價錢一十
 二貫足本腳錢四貫三百四十八足息錢七貫六百五
 十二足鬱林州每羅價錢七貫足腳錢二貫九百足本
 腳錢二貫九百三十八足息錢四貫六十二足宜州每
 羅價錢一十三貫足軍州每羅價錢一十三貫足本腳
 錢四貫七百四十八足息錢八貫二百五十二足容州
 每羅價錢七貫足本腳錢八千五百羅每羅三貫三百
 七百三十足息錢二千五百羅每羅四貫二百六十六足
 四文足
 泉州每羅價錢一十貫足本腳錢四貫一百四十八足

息錢五貫八百五十二足梧州每羅價錢八貫足本脚
錢二貫六百四十八足息錢四貫三百五十二足潯州
每羅價錢一十貫文足本脚錢三貫七百八十八文足
息錢六貫二百一十二足藤州每羅價錢八貫足本脚
錢三貫三百九十八足息錢四貫六百二文足賀州每
羅價錢一十貫足本脚錢四貫四百三十四足息錢五
貫五百六十六足融州每羅價錢一十三貫足本脚錢
四貫五百四十八足息錢八貫四百五十二足橫州每
羅價錢一十貫足本脚錢三貫二百一十四足息錢六
貫七百八十六足貴州每羅價錢一十貫足本脚錢三
貫五百三十八足息錢六貫四百六十二足邕州每羅

價錢一十貫足本脚錢三貫五百三十四足息錢六貫
四百六十六足賓州每羅價錢一十一貫五百足本脚
錢四貫一百三十八足息錢七貫三百六十二足昭州
每羅價錢一十貫足本脚錢四貫一百四十八足息錢
五貫八百五十二足右賣鹽價直緣諸州市估有可量
增者各不得過三分謂如息錢五貫增數一貫五文見今過數者
即行裁減不及數者不得再增仍乞下本路轉運司令
漕臣於上項錢常切點檢逐年具錢帳申朝廷無致失
陷及諸州並不得擅有分文支撥貫一路永久根本之
計詔廣西帥漕監司同共相度已而逐司以為經久利
便事下戶部指定畝從其請遂詔詹儀之將本司見管

四十萬貫並開具寄棧州軍並錢數申尚書省仍將年額實合起解上供并買馬鄂州大軍諸州歲計鹽場循環本脚與運鹽脚錢逐一開具以聞 五月二日浙東提舉陳舉善言比年州縣所起茶鹽多有虧欠緣續降指揮增剩數目再下所屬覈實方得依條施行不得繼時推行賞罰當職官吏全不用心起辦乞自今至年終先將最虧當職官取旨責罰然後覈實增剩之數如無冒濫即與推賞從之 二十日前知榮州程介言乞將四川州縣折敗井戶許各赴愬委官定驗係枯漠之井則廢不復開如元係舊井而水脉復興者則開之以對補虧課額從之 九月十三日詔提領務場所檢坐紹

興四年七月十四日指揮行下淮東西總領所沿江都

統司等處自今不得回易官鹽紹興四年七月十四日

版四易官鹽並依私四年二月二十日詔自今產鹽去

處知縣兼監主管鹽場任滿從逐司取見任內賣鹽數

目比額增羨與依格推賞如有虧欠紐計分釐取旨責

罰從戶部郎官五年正月二十九日詔邵武軍泰寧縣

南劍州尤溪縣計產買鹽指揮更不施行 二月十二

日京西漕司主管官張廷筠言京西盜販解鹽唯光化

軍均房州有小路可通北界私販甚多緣此人戶全食

解鹽淮鹽絕無到者然易鹽皆中國之錢聞唐鄆間錢

陌以一二十數當百鹽之至境有數倍之利乞嚴賜禁

止於京西去處措置令官司賣鹽督察關防則解鹽自
不通而錢幣不至暗消詔本路帥漕臣公共加意杜絕
貿易解鹽疾速條具以聞 二十五日提領推貨務都
茶場言客人齎銀赴諸務場筭請茶鹽鈔引在法許經
所屬陳狀召保給據照般免納沿路稅錢近未入納稀
少詢訪得有客人齎到銀兩謂見入納官司許令在外
變轉會子是致將銀變賣與金銀鋪戶將客筭請銀兩
及會子就用公據客名入納銷籍不惟務場入納稀少
兼是脫漏沿路商稅不便乞下諸路提鹽司行下所屬
州縣纔遇出給公據即便飛申行在建康鎮江務場照
會以憑籍記稽考從之 六月二十三日權戶部尚書

韓彥古言諸州鹽場官皆選人初官及小使臣未經任者所在大抵備員任滿批書護賞而去至於私鹽敗獲則畧無監臨條制乞將日後勘到私販人並根究元買場分坐以不覺察之罪特旨行遣其私販至多者亦具提舉官姓名取旨詔如有販獲鹽場官依催煎官巡尉一等科罪宗以會轉淳熙六年四月二十五日詔瓊州賣鹽止依祖額如漕臣守臣連戾增加仰廣西帥司按劾以聞先是知瓊州張頤老言本州鹽額遞年止賣四十五萬斤淳熙元年漕司增作一百萬斤緣本州係是產鹽地分又無過往客旅止是籍定人戶均買自添額之後出賣不曾及額遂至倍科以此民居逃移深入黎

洞結為聚落指引黎人攻犯縣寨劫掠村鄉乞將瓊州
鹽數一依祖額故有是詔 五月十三日四川制置使
胡元質總領程价言四路產鹽三十州見管鹽井二千
三百七十五井四百五場內係依舊煎輸一千一百七
十四井一百五十場別無增減鹽數外其因今來推排
或因自陳或糾決情願增額者計一百二十五井二十
四場并今次渲淘舊井亦願入籍者計四百七十九井
其委實無鹽到場之井即與棧閉盡令除豁其有不敷
舊額陪抱輸納者即斟酌輕重量與減放共計合減錢
引四十萬九千八百八十八道以諸州增額鹽錢引等
共計增收錢引十三萬七千三百四十九道補合減數

外尚餘對減未盡錢引每年計二十七萬二千五百餘道其合對補錢數令總領所措置圓融每歲抱認對補錢引十七萬二千五百餘道其餘錢引十萬道乞於總領所每年格管昨來對減酒課用不盡錢一十二萬六千四百餘道內取撥十萬道對補上項合減之數庶幾四川州縣井戶民人免四五十一年困重額之患從之九月十六日明堂赦諸路鹽場昨緣不依時支散本錢及有減尅之類致有歲額不敷去處令諸路提舉司約束所部依時支給不得減尅如有違戾許亭戶越訴淮浙鹽場亭戶淳熙三年以前拖欠未補數目令提鹽司取見如委實不能補起並與蠲放四川鹽井多有年歲深

遠泉 不發虛負重課及近來却有渲淘舊井間有鹹
脉去處州縣又令別增新額不與對減見欠之數令逐
路監司相度將實合機閉與所添新額各行取見詣實
依條施行不得仍前抑勒 二十七日詔福建二廣州
軍分撥賣鹽自有舊額及立定價直自今不得擅有增
添如敢違戾其守臣令監司按劾若監司違戾許別司
互察以聞 十一月二十四日四川總領李昌圖言今
州管內安撫司鹽場頗為民害金州軍民盡食通泰州
凡客務販至本州官河向在場為界表請與民開
鹽客旅百端求囑方始支還間有坐待三四年不得
錢者緣管內安撫司官更費用歲計一萬六千餘貫取
辦於此今若省罷安撫司之冗費其鹽場從本所措置

將客人販到海鹽以市價收買量給息錢裁減高價令
民間任便收買食用庶於客旅通快俟措置一歲若便
有收到息錢即用對補蠲減四川井戶虛額鹽錢從之
七年正月十一日廣西經畧劉燾提刑徐詡言本路
漕郡計全賴推鹽瀕海數州產鹽頗多民間鹽價雖賤
而漕郡計皆出其中故官價官價貴則漕司貨賣不行必科
配州郡州郡貨賣不行必科配百姓雖或官般官賣或
客販鈔屢變其法而科擾之弊竟不可革昨李椿任都
司日措置復行官般官賣之法自淳熙元年始行官般
今州郡至不論貧富並計口科賣向時上戶科抑之苦
今又移之下戶矣皆緣歲額太重左右那融不敷先來

部臣張栻權漕日嘗請以見椿管錢四十萬貫作鹽本
兼備緩急而諸州運鹽隨綱輸本錢初不仰此既有上
件椿管漕司委是優裕若歲歲更求椿積乃是聚歛虐
民今若減鹽價每斤只減十文漕郡計所損已多而民
力未能少舒不能均減諸州鹽額則無積滯之鹽免致
科賣為廣西無窮之利臣煇昨奏乞減鹽額得旨令漕
臣韓 璣同臣工共從長相度又徐謂奏詢訪民間疾苦
皆緣計口賣鹽乞自淳熙七年正月為始與諸州逐月
計筭以有餘歲終取見一歲郡計以為定額未準回降
指揮臣等今乞將本路賣官鹽一十六州府三年中所
賣鹽畝取一中數除靜江府昭柳鬱林等州係稍登額

仍舊不減外餘諸州通約減去歲賣鹽七千羅既減鹽額漕郡計合重行計筭即乞依臣詔所奏然後可以約束不得抑配若郡計不至窘乏則百姓永受實惠從之

十八日四川制置使胡元質言在法鹽井推排所以增有餘減不足有司奉行弗虔務求贏餘其鹽井盈者則過為之增涸者畧為之減增損盡出於私心乞將今來所減鹽數並為定額自後每遇推排以增補虧不得踰越已減一定之數從之 三月十五日宰執進呈准西安撫轉運司奏濠州鍾離定遠縣民戶等言本州不通商旅艱闕鹽食紹興間知州劉光時請買官鹽置肆出鬻近因臣僚論列住鬻官鹽半年之間官既不賣又

無客販乞仍舊官賣上曰官賣恐擾民所以罷之今濠
民既以為便可令依舊但不得科抑 七月二十一日
臣僚言在法賣鹽鈔縣委丞州委通判詳加稽察住鈔
鹽增則知無私販住鈔鹽虧則知私販者多比年郡邑
之間給版榜而鬻鹽者數十家一歲之間以住鈔聞於
官者止三四乞下諸路申嚴住鈔之法委通判縣丞將
管下鬻鹽之家計其所鬻多寡立為等則月終以住賣
鈔考覆批毀以防往來夾帶之弊歲終丞以縣數聞於
州通判以州數聞於本路提舉者增虧以為賞罰從之
八年二月十三日詔廣西運司將所部產鹽去處見
料亭戶食鹽並日下禁止以臣僚言廣西高雷廉化欽

州諸郡人煙蕭條亭戶煎輸官已極困悴又數其就買
官鹽以充日食遂至逃亡故有是詔 閏三月二十六
日臣僚言湖南州郡有創行官自販鹽去處詔安撫司
日下禁戢住罷自今尚敢違戾即按劾取旨 八月九
日臣僚言近來邊備不嚴沿邊之人多自虜境盜販解
鹽私入川界侵射鹽利詔興州興元府都統司開具已
措置禁止事件及有無獲到私販人數以聞既而吳挺
言本司已立賣錢五百道出榜行下沿邊屯戍統兵官
廣布耳目嚴行緝捕十年九月挺又言本司同安撫司
增添賣錢共作二千貫見係出戍官兵把截去處嚴切
搜捕外有不係官兵出戍地分乞行下沿邊州郡督責

相鹽官司屬切指置相計利并路安撫提舉司各申
嚴行下階成西和鳳州恪意禁止毋得透漏如失覺察
守令並取旨重作施行 九年二月九日詔兩廣鹽法
紹興間如何施行每歲收支若干後來緣何變法收支
之數視向來有無增損民間便與不便者何事今欲民
力裕而用度足可遣浙西安撫司幹辦公事胡庭直遍
詣兩路訪問利害與帥漕提舉諸司詳議各具本末以
聞既而胡庭直條具到二廣鹽法利害詔吏部尚書鄭
丙同給事中施師點中書舍人宇文价葛邲起居郎詹
儀之詳議仍令中書門下檢正王信左司郎中陳居仁
右師郎中謝師稷右司員外郎王公衮看詳擬定 一

廣西運判兼提舉鹽事王正己廣東提鹽林圻浙西撫
幹胡庭直奏到廣西所行官般官賣誠為民害若兩路
改作通行客鈔誠為利害一庭直言廣西雷廉高化四
州係產鹽地今舊許八分客販二分官賣食鹽若不盡
行住罷竊恐州郡因而科擾今擬定畝從其請一欽州
白皮鹹土可以煎煉乾道七年指揮封閉不能革絕乞
差官毀廢竈場兩等議欽州邊近溪洞差官毀竈未便
畝申嚴乾道七年指揮行下令常切遵守一庭直言廣
西昨行鈔法時諸州多是詭作客名算鈔回易或截留
客鹽自賣不還價錢或雖與客住賣而邀阻誅求以助
公帑或行鈔之初隱藏合封椿鹽公然官賣乞嚴行約

東今擬定欲從其請一信等看詳廣東轉運司公牒欲
依承平時那融應副廣西轉運司米一萬二千石今擬
定欲下廣西轉運司照會一廣西路見為廣東路抱認
起發鄂州大軍錢二萬四千五百五十貫若通行鈔法
合於廣東路正鈔錢內起解今擬定欲令廣東西路依
此施行內廣東路合解發錢為改法之初特與蠲免三
年一廣西運司每年應副靖州錢三萬貫合起發鄂州
大軍錢一十萬貫樁提刑到任陳設錢二千貫經畧到
任添助靜江府歲計錢五萬貫本司雜支錢三萬貫通
十九萬二千貫今擬定靖州錢於湖廣總領所科撥鄂
州大軍錢將總領所逾年餘剩并綱運未到錢通融補

填提刑經畧司到任錢並免應付本司雜支錢節省一
萬貫仍令廣東路提鹽司遞年於起發戶部經常錢二
十五萬餘貫內改撥一萬二千八百貫赴廣西轉運司
補助以上通計二十萬三千八百貫慮恐改行客鈔之
初或闕經常款於南庫支降會子二十五萬貫禮部給
降牒三百道價錢五百貫計錢一十五萬貫通計四十
萬貫候客鈔通行日逐旋樞還一胡庭言又言二廣舊行
客鈔時通以九十萬貫為額廣東賣鹽十萬羅計正鈔
錢五十萬貫廣西賣鹽八萬羅計正鈔錢四十萬貫後
因廣西官般官賣每歲賣鹽一十一萬五千二百八十
七羅以科抑之故數多如此今來通行客鈔廣東款以

九萬籬廣西六萬籬為額東客販鹽入西路者既納通
貨錢西客改指東鹽者亦不可不納通貨錢以三萬籬
為率每籬拘所省腳錢七百文入官以改指通貨為名
歲可得錢三萬一千貫而東鹽住賣每斤增錢二文三
分以六萬籬為率歲可得錢一萬八千貫以助西路漕
計然後以西路六萬籬紐計正鈔錢三十萬貫漕計錢
六萬貫存留鹽本及改指通貨仍納六萬二千二百八
十貫東路九萬籬計有漕計錢九萬貫增收西路漕計
錢一萬八千貫通貨仍納二萬一千貫存留銀本錢三
萬四百二十貫並撥充西路漕計如此則一歲可有錢
五十八萬一千七百貫方與兩會議據廣西報到一歲

支撥起解錢共計七十八萬三千六百二十一貫二百六十八文拖照乾道七年兩路會議之時廣西一歲支撥起解止計錢五十九萬六千三十九貫六百一十四文今來比舊增支錢計一十八萬七千五百九十貫有奇未有通融既蒙朝廷蠲免起解及措置補助計錢二十萬三千八百貫却有剩錢一萬六千三百七十八貫七百三十文若朝廷不欲於鈔面更有所增及創立改指通貨之名止以乾道七年左右司看詳廣東十萬羅廣西八萬羅上合收錢數通融應副廣西漕計庶幾與通行客鈔舊法相應 詔廣西轉運司自淳熙十年四月一日為始住罷官般官賣依舊通行客鈔內廣東路

每歲以十萬籬廣西以八萬籬為額仍依胡庭直所奏

增收漕計錢存留鹽本改指通貨錢并依見行鈔法指

揮施行不得仍前科抑如州縣或有違戾去處令兩路

帥臣監司按劾以聞若帥臣監司違戾許諸司互察官

吏重作施行其合行下未盡事件令帥臣監司公共條

具聞奏十二月二十一日八月七日右諫議大夫黃洽

言解鹽之禁今日所當嚴乞自今凡在官敢有解鹽自

行中賣及以相饋遺者不論斤兩多少必當重寘典憲

無赦仍令逐路監司嚴行覺察從之九月十八日詔

南恩州鈔鹽依舊以一千五百籬為額從守臣十年正

月十四日胡庭直再條具措置二廣鈔鹽利害下項

一二廣通行客鈔正要西路提舉鹽事官究心協力公
共措置乞令廣西提舉鹽事官銜內帶同措置廣東鹽
事廣東提舉鹽事官銜內亦帶同措置廣西鹽事東事自今
兩路提舉鹽事官須管分上半年巡歷至梧州同共
會議或有急切不能候兩路提舉官到來許互差屬官
至兩司治所公共商議有合行事件同銜聞奏須管兩
路每半月具招誘到客人入納數目彼此關報務要客
鈔通行漕計不闕一廣西鹽司差主管官一員就石康
縣置厠宇緣彼處煙瘴深重無人注授多是權攝乞從
朝廷選授有材力清強官仍不拘資格依已降指揮任
滿與轉一官庶幾人皆樂就一乞降指揮令廣東自通

行客鈔之後收到正鈔錢依舊額以七萬五千羅為率
作上供支解外自餘增賣到鹽羅如正鈔錢許令別項
椿管準備廣西歲額萬一不敷即以此錢權行補助候
客鈔通行發歸朝廷別用一乞朝廷明立賞格將廣西
州縣守倅令佐巡尉若能勸誘客旅禁戢私販所起鹽
課登及歲額每歲各與減一年磨勘選任人滿與循一
資虧及三分者每歲各展磨勘一年仍於歲終將一路
守令比較使人知所懲勸則事功可以興起矣一州縣
官般到見在未賣官鹽盡數拘收封椿如合千人輒有
隱匿並許諾是人告賞錢一百貫犯人以違制科罪如
新鈔客鹽未到人民闕食仰本州縣權將拘收到鹽於

官務零細出賣許客人從便筭請指射有鹽州縣吏請
出賣一乞照紹興八年指揮兩路產鹽場僻遠隔涉海
洋去處今提舉鹽事司措置依舊例自海場般運內廣
西至鬱林州都鹽倉其廣東路至廣州潮州南恩州於
州倉却納準備支遣內有山險去處合作小節以便客
人般販今欲作兩等製造鹽羅內一等作一百斤內一
等作二十五斤令客人從便筭請一二廣州縣自來寄
居待闕官有蔭子弟攝官舉人刑勢之家判狀買鹽夾
帶私販乞依淮浙鹽法_不以蔭論命官奏裁從之 二
十二日詔朕惟國以民為本故仁之所覆萬近舉遠而
無所殊維時廣南在數千里外疾痛艱於上聞肆朕憫

之尤切蓋鹽者民之以食嚮也官利其贏而自鬻久為
民疾朕既遣使詢之得其利害以歸復謀諸在廷僉言
惟允始為之更令俾通商販而杜官鬻民固以利矣然
利於民者官不便焉何者鹽之息厚凡官與吏之所為
妄費以濟其私者異時悉出於此一旦絕之無所牟取
必胥動以浮言將毀我裕民之政且朕知恤民而已浮
言與恤矧置監司守令均以為民朕有美意弗推而廣
之顧撓而壞之可乎自今如或有此違乎朕聽必劾其
實而寘之法明以告爾尚其欽哉 以起居郎詹儀之
言乞特明詔戒飭兩路監司守令使知通行客鈔專一
裕民各宜協心體國故有是詔 三月五日廣西經畧

安撫轉運提刑司言奉詔條具合行未盡事件謹條具

如後 一靜江府見屯駐韶州推鋒軍官兵二百人合
用口食錢米並係轉運司逐年於廣東認起鄂州大軍
錢內截撥應副批文今來改行客鈔鄂州大軍錢止合
於廣東正鈔錢內起解轉運司既無前項窠名錢截撥
應副望特降指揮措置支給一準指揮住賣雷廉高化
四州食鹽緣四州係產鹽去處鹽價低平決無鈔客等
請恐因而科抑重為民害一準指揮封閉欽州白皮場
鹽竈契勘欽州自紹興十二年内因鹽土生發遂報置
白皮場鹽後因百姓興販私鹽作過遂行住罷依舊差
官般雷州鹽村場鹽出賣每斤收錢五十四足今來客

販每斤價錢已及六十足又有貼紬縻費脚剩在外如此則過於欽州見賣鹽價不惟客人興販無利又無經涉海道決無客人請販竊慮民間無鹽食用白皮場未復有私煎盜販等事一照對紹興八年六月六日指揮兩路初行客販廣東歲以十萬羅為額廣西歲以八萬羅為額其時廣西鹽事係提刑兼領不放東鹽入西界是致發賣及額紹興二十五年因廣東申請通貨鹽入西路每羅額通貨錢七百文補助西路歲額緣此西路歲額大虧至於抑勒東客帶買西鈔於是西路遂有併司之請西路積壓鈔引無客算請遂有官般官賣之請既行官賣而通貨不行兩路紛爭遂令廣東提舉章

潭廣西運判高緝會議每歲止約以廣東客鈔二萬五千羅入廣西州郡住賣自乾道八年改行客鈔之初當年廣東鹽入西界已及二萬三千二百十八羅至乾道九年遂及三萬三千八十六羅是致攬奪西鹽發賣不行歲計闕誤於是淳熙元年再行官般官賣不曾通入東鹽今來復行客鈔緣客販便於東而不便於西若不限以通貨羅數則客人必輻湊於廣東西路鈔額決難趁辦 詔第一項令胡庭直於已科撥貼助權鋒軍支遣錢內每年移運一萬三千四百餘貫前去靜江府充屯駐官兵按月支遣毋致闕悞第二第三第四項並令胡庭直同王正己相度經久利便連街指定聞奏 五

月二十九日詔大奚山私鹽大盛令廣東帥臣遵依節

次已降指揮常切督責彈壓官并澳長等嚴行禁約毋

得依前停看逃逃亡等人販賣私鹽如有違犯除犯人依

條施行外仰本司將彈壓官并澳長船主具申尚書省

取旨施行仍出榜曉諭以廣州布衣客實上書言大七

月十七日詔勅令所專一修立私販解鹽斷罪告賞條

格自今與蕃商博易解鹽之人徒二年二十斤加一等

徒罪皆配鄰州流罪皆配五百里知情引領停藏人與

同罪許人捕若知情負載減犯人罪一等仍依犯人所

配地理編管許人告透漏官司及巡察人各杖一百獲

犯人并知情引領停藏人徒罪賞錢二百貫流罪三百

賁如獲知情負載人減半其提舉官并守令覺察並取
旨取重作施行令戶部通牒沿邊州軍並提舉司常切
覺察 二十五日戶刑部言乞將弓兵容縱私鹽之人
照應透漏私茶指揮一體施行從之 先是紹興八年
六月十八日申明透漏私茶指揮所犯不至徒自合徒
一年決配鄴州如本犯至徒罪以上即合隨本犯刑名
決配千里如係流罪刺廣南 二十九日宰執進呈知
鎮江府錢良臣體究到淮東路通泰等州諸鹽場共有
未支還亭戶鹽本錢一百一十萬貫上曰淮東提舉司
每年合起赴鎮江府椿管耗鹽本錢三十四萬貫可特
自今年為始免起三年令趙不流到任日將見欠亭戶

鹽本各斟量久近分撥支還 先是荆湖北路鹽客胡昌
傳進狀言國家煮海之利以三分為率淮東鹽利居其
二通泰楚三州管買鹽場一十六處推煎場一十二處
計四百一十二竈紹興初間每一竈煎一晝夜計一伏火
所煎到鹽多者止一十七籌每一籌計鹽一百斤近淳
熙初間亭戶得嘗拭鹵水之法以石蓮一十枚擲之鹵
水中如五枚浮起為五分之鹵如七枚浮起為七分之
鹵或不及七分再用牛刺爬鹽土復將淡鹵再淋必待
鹵濃可用然後煎之每一竈一伏火煎二十五籌至三
十籌是一伏火多煎鹽十籌至三十籌比之舊額近增
其半緣此買鹽場秤買亭戶鹽貨每籌除舊額增加大

秤浮鹽二十斤至三十斤為出剩浮鹽每一日買鹽一萬餘籌其浮鹽止以二十斤為則有二十萬斤計二十籌每一籌計錢一貫八百三十文作船腳錢外有一貫六百三十文並隨時買作秤買正數之鹽再中賣入官徑於支鹽倉錢庫取撥本錢三千二百六十貫或徑發賣與客人却於隨網錢內剋除上件錢數以歲計之取撥本錢一百一十二萬三千一百貫文計鈔錢四百五十一萬七千五百餘貫其於國課頗計利害又每一網一運取鹽樣一袋并諸色窠名錢不在其數提舉官坐享其利而亭戶中賣正數鹽在官積壓不行秤賣及至中賣又多秤過斤兩支銷請價錢每籌一貫八百三十文

除尅諸般糜費外淨得錢一貫四百文如隨秤下得錢
猶且濟用况被積壓拖欠緣此亭戶迫於飢寒不免私
賣乞自朝廷嚴行根究上件本錢支還亭戶便各需實
惠可以盡革私賣之弊至是良臣體究到乃降指揮十
月二十六日廣東提鹽韓壁言臣頃自廣西機幕擢守
邊州三任九年之間一路鹽法利病粗知其畧謹畫一
具陳 一靜江帥府諸司所會官吏繁多及養老株汰
使臣之類逐月支俸已自不貲而本府所管推鋒效用
雄邊三軍及將兵共以數千計除推鋒一軍元係本路
漕司應副外自餘諸軍歲支依糧委是浩瀚今聞住罷
之後官員俸給已數月無支其膳軍衣糧詎可一日而

開乞下本路轉運司照會應副施行一廣西一路唯邕
宜欽融四州係是極邊祖宗以來屯養將兵以鎮壓之
所支衣糧視他郡不啻數倍自改官般官賣一切取辦
於鹽今復住罷則上件供億之費漕司又當任其責乞
下西路轉運司照會往年事例應副施行一契勘得廣
東路乾道八年正月一日為始兩路通行客鈔共賣過
鈔引八萬二千四百七十三羅數內廣西界鹽二萬三
千二百一十八羅乾道九年賣過鈔引八萬九千五百
五十六羅數內過廣西界鹽三萬三千八十六羅自淳
熙元年以後不許東客過行西路而本路逐年所賣鹽
籬約得六萬之數今來西路諸郡緣發泄鈔引不行每

遇東客販鹽入西江先令責認入納西路鈔引方許開
封住賣客人往往留滯憂懼皆去一次買東鈔入西路
便作西客不得脫籍似此不唯抑勒是歆以術消東路
客鹽不得過界則本路歲額浩瀚何以起辦乞下西路
漕司照應乾道年間通行客鈔事理施行詔詹儀之
胡庭直詳今來所奏事理及照應節次已將指揮同共
措置施行毋致違悞十二月二十一日廣東提鹽同
措置廣西鹽事韓璧廣西運判魚提鹽同措置廣東鹽
事胡庭直言廣東路奉行鈔法自紹興間客鋪赴廣州
賣鈔庫入納皆是用銀每兩價錢三貫五十文九十八
陌并鈔以示優潤今二廣鹽通行客鈔以逐州在市實

價折錢請鈔緣逐州市價各不同無一定之論難以閑
防情弊今相度欲將客人入納并買廣西鈔引每羅鈔
面正錢五貫省一例作每兩價錢三貫五十文九十八
陌折銀如廣西轉運司支撥諸州歲計並照各州月申
市價高下增減分數折支應副不得拘執入納價錢庶
免諸州折閱之患若將廣西運司支遣有些子折閱本
司自行抱認實為經久可行利便從之 十一年四月
三日詔金州依見行鹽法聽客人鋪戶從便買賣官鹽
不得仍前置場拘摧如有違戾許京西提鹽司按奏
京西運副江溥言向來金州帥司違法置場拘買客人
鹽貨高價依賣宣撫使虞允文入蜀州民遮訴遂行廢

罷既而知州韓曉申明宣司復置名為稱提場其弊復興後因知州王彤不法總領李昌圖按治併奪鹽場撥吏總領所委金州簽廳掌管自此冒法更無忌憚聞總所歲得乾息止十萬緡官吏侵盜之數又復倍之商旅坐困民食貴鹽公行侵射官利乞行禁止故有是詔十五日廣西經畧詹儀之等乞將高化雷廉欽州產鹽地分令轉運司差官於逐州置場零賣應副民食更不立額從之五月一日戶部提領務場所言淮東提舉趙不流申諸場見在散鹽二百七十五萬餘石乞權依額每年買鹽三百萬石候發泄積鹽漸見次第却不拘祖額收買從之既而十三年十一月二十三日淮東

提舉司言諸場見管散鹽不多乞自十四年為始每年添買鹽四十萬石共買鹽三百四十萬石從之十九

日詔殿前馬步軍司及江上諸軍及都大提舉茶馬司約束取押馬綱官兵不得將帶解鹽私販如有違犯即從條斷罪

從知均州也惟青之靖也

八月十四日廣東提舉同措置

廣西鹽事韓壁言廣州賣鈔庫準行在太府寺差官押到淳熙十五年料鈔引計鹽九萬九千九百九十九羅自當年五月今及一歲賣過鈔引八萬五千六百二十羅依指揮以七萬五千羅正鈔錢銀分隸支撥起發其增賣鹽一萬六百二十羅正鈔錢銀計五萬三千一百貫文省在廣州賣鈔庫別項樁管詔韓壁將增賣到鹽

羅正鈔錢銀認數橋管非奉朝廷指揮不得擅行支使

其未賣淳熙十年分鈔引更切措置給賣十一月十六

日置禹州南浦縣漁陽鹽井監官一員并歲收鹽一百四十萬六千三百

餘斤初以主簿兼監十二年正月二十一日復置温州在

城鹽倉浙東提舉司言乾道五年罷州倉二月十二日

詔廣東水軍統領兼以巡察海道私鹽帶街每考批書

必會監司有無透漏縱容大吳山私販事即方與放行

如有捕獲私數目却與依格推賞從臣係四月四日福

建運副趙彥操言州縣賣到鹽錢多被侵移他用蓋緣

不曾委官掌管拘收致有欺弊今措置欲就州縣令置

教眼橋管本司增鹽本等錢州委郡貳縣委佐官專一

掌管如遇綱到即時據數計鹽椿管逐時各從州縣鹽坊賣錢照本司今立月帳數目發納取足如敢弛慢收椿不足或將已收到錢侵移借用許本司奏劾從之
七月八日詔減開州溫湯鹽井所增鹽額一萬八千斤先是熙寧九年夔路提刑張宗諤奏定本井每歲鹽額二十一萬二千五百五十三斤後來本州自行推排於祖額上增一萬八千斤於是以井戶進狀詔制置諸司體究措置而諸司奏減之十二月十五日廣西經畧詹儀之廣西運判兼提舉本路鹽事同措置廣東鹽事林昆言奉旨相度廣東西鹽事併為一司要是經久利便其兩路賣鹽乞通以一十六萬五千籬為歲額廣

東九萬五千羅廣西七萬羅從之

併司詳見門

十三年

七月四日知廣州潘時言本州城裏外置局折賣鹽包

係淳熙元年敕置淳熙六年內方始計口給歷付民戶

照買但給歷鈎考近於均敷仍乞舊置局差官折賣拘

回元歷頭買多或少聽從民便從之 九月二日廣西

經畧詹儀之廣南都提舉鹽事譚惟寅言兩路鹽鈔舊

雖以十八萬羅為額止是虛名累年招賣不及十三四

萬羅途準指揮以一十六萬五千羅為額併司之初務

在責實若不及今以實申陳圖為經久之計將來決是

起辦不及乞且以十五萬羅為額候三數年間見得增

虧却旋次增額庶幾經久可行昨來兩路通行客鈔東

鹽入西路者每羅收通貨錢七百文內客人請西路鈔改揭請東鹽入西路界亦納通貨錢七百文今既併司不當更分東西路所有上項通貨錢乞特與免收以便商販從之十六日詔准浙提鹽司將所部州軍應管鹽場見差總轄並行住罷以臣僚言總轄權制亭竈遇支本錢盡先覓請恣行刻剥却縱亭戶私鹽盜鬻故有是詔十二月八日福建運副趙彥操等言汀州科鹽民受其害守臣明知之而明蹈之者苦於財用無所從出耳今汀州與長汀上杭連城武平縣鹽價每斤為錢百六十有二清流百四十四寧化百四十有九價既高人不樂買是以至於科敷今相度欲於漕司合得增

鹽錢每斤與減四文及州用淨利錢減三文汀州廉費
錢減八文每斤共減十五文賣鹽之價減亦如之以歲
運二百萬四千斤會之總三項共減三萬九千三十八
貫九百六十二文省又歆於所運鹽內撥出七十九萬
七千五百斤免其分隸諸司以足所減州用淨利之數
為錢七千九百二十二貫七百六十七文省如此則立
價既平買鹽者眾官賣亦行私販遂息而汀州與六邑
歲減於民者三萬九千緡有奇減於官者一萬有有奇
所捕州用又在此外州縣之力庶幾可紓從之 先是
新四川安撫制置使趙汝愚言汀州地僻民貧而官鹽
立價最貴配抑追擾之害視他路獨甚乞將汀州一郡

改作客鈔其州縣歲額合得鹽數並給降鈔引付本州
縣措置變賣迺詔福建提舉應孟明同汀州守臣趙師
愷詳利害條奏既而孟明言福建上四州軍有去產鹽
之地甚邇者官不賣鹽則私禁不嚴民食私鹽則客鈔
不售既非釀鈔之地則客賣銷折所以鈔法屢行而屢
罷四川閩遠客鈔猶不可釀况汀州山水窮絕之處客
散釀鈔將何所往故鈔法雖良不可行於汀州惟裁減
本州并諸縣合納運司鹽綱內錢而嚴科鹽之禁庶幾
汀民有瘳復詔彥操等措置裁減條奏十四年正月
二十一日詔長寧軍清井監監許遵入瀘州樂共城博
望寨梅嶺板橋政和堡五處地分販賣以臣僚言長

寧歲計獨仰鹽井乞與放行隣境出賣下制置等司措置而有是詔 十二月十八日四川安撫制置司言夔路大寧監四分鹽通年科在恭涪等八州委是擾民轉運司措置止就夔州以時價變賣誠為利便所有虧錢除以金銀高價對折及轉運司抱認外餘一萬五千道總領所已將淳熙十一年十二年十三年分並行抱認乞下總領所將淳熙十四年以後年分所虧一半錢一萬五千道令本所依以前三年體例永遠抱認庶幾八州之民得免科抑之擾從之 十六年正月十一日應孟明究實到廣中鹽鈔利害上曰初議行此事時先差胡庭直去體量非不審詳往往只是符同唐儀之之說

今為所誤宜令應孟明條具更改人戶未有支鈔鹽湏
令盡數支還今不可復失信於民 二十五日詔應孟
明朱晞顏與新除都提舉廣南鹽事王光祖將鹽法日
下從長相度如合復舊即一面措置經久利便施行毋
致再有科抑之弊仍權於本路諸州軍未起湖廣總領
所歲計錢內截撥一十五萬貫補助今年支用自後却
照淳熙十年以前窠名起辦發納 孟明言臣道由衡
州已聞廣西鹽法更變不常凡商人之稍有資財者皆
遷徙而去及至靜江府過興安縣乃知本府通判及興
安知縣每招致人戶以會鹽客為名視物力之高下均
鹽籬之多少名為勸誘實則抑配先令旋納錢銀其餘

抵以物產請鹽未至而追索之令已下往往取急求售
錢本銷折凡昔之上中戶今皆破蕩家業矣本府與興
安縣利害臣所親見其他州縣事尤可知聞有人戶借
荒田之砧基以充要約異日沒納官為無用抑勒田鄰
俾之承買亦有文書在官田廬久已出賣者他時根究
牽連宛轉受害或州縣以科抑未盡之鈔令人吏假為
客名冒入抵當之文請鹽置鋪出賣緣其名不正人吏
得而侵欺官司亦不敢問弊孔百端不容具述蓋郡州
之匱乏漕計之不裕皆鹽法之弊實致也而民戶受害
矣又可慮之尤者議者謂向之官賣止緣漕司或額外
增敷或額外添般發泄不盡間成科抑非一路州縣皆

然未爲大害也。今若官般官賣復歸漕司而增敷有禁
添般有禁敢抑配者寘之重典則在明號令以勅之耳。
向來官司既失信於商人今不可復失信於百姓若朝
廷果欲變從舊法則人戶之請鈔而未得鹽者欲先令
立限請賣而後以官般官賣繼之但又聞都鹽司不支
本錢鹽丁散走恐難立限無鹽可支若只令官中收其
元鈔還其抵當并所輸錢銀其勢甚便仍乞速下漕司
措置委官齎錢往產鹽地招復鹽丁勸諭煎鹽庶幾官
般不致少闕民得以從便晞顏亦以爲言故有是詔上
孝宗淳熙十六年十一月十一日臣僚言乞令戶部行
會要下廣西漕司今後鹽戶車丁錢依時行下鬱林州武附

近州支撥庶得接續支遣不致失業詔都大提舉廣西
鹽事司同廣西運司措置依時支給毋致拖欠 紹熙
元年八月六日戶部言廣西轉運司中西路官般賣鹽
照得提鹽司昨來均撥鹽付諸州般賣緣每羅減尅一
二十斤州用不給遂致高棹價直減尅兩數今來本司
已經搭酒耗增支數目使鹽到諸州日不致損折則各
州所賣鹽如止於二三千羅亦已增收錢三千五千貫儘
可了辦支用已行約束將請到鹽依立定價發賣不得
擅便增價及減尅斤兩又言西路官般賣鹽去年都提
舉司多所更革如減損鹽羅斤重至諸州虧折歲計增
賣醃造鹽數至遠民重疊科抑減尅常運官食錢鈔而

綱運留滯折銀支鹽本錢而鹽丁重困照對廉州白石
場化州官寨場雷州蠶村場係買納一路鹽課去處其
逐場鹽丁全仰官中買納為生自都鹽司以銀大價折
支虧損本錢以致鹽丁逃散或私煎盜賣今於鄰近高
化雷廉瓊鬱林州等處支撥寄樁庫一色見錢下逐場
充本買納鹽課責令監官將鹽丁煎到鹽不以早晚即
時交秤當面支還本錢不得阻節並乞下廣西轉運司
一面施行從之 十一月二十四日廣西提刑吳宗旦
言昨臣僚奏高雷化欽廉州產鹽地分不在官般之數
舊法只許此五州賣二分鹽歲月既深官吏一意格歛
高其價直薄歷不明支收偽冒得旨令措置以聞 一

廉州元額賣二分鹽二千三百二十羅計二十三萬二千斤每斤三十二文所立價錢太高是至民食私鹽却乃計戶給歷均科每月主戶買鹽三斤客戶二斤寡婦一斤半及令保甲拘催甚於二稅及廉州管下石康合浦兩縣鹽丁元管一千一百八丁將所納身丁米每丁折納鹽三羅淳熙四年運司見得太重每丁減鹽一羅每年抱認還本州錢一千二百八十五貫二百八十文實納二羅係赴白石場交納運司支還本錢二千五百餘貫撥付本州淳熙十二年方係廉州將運司抱錢獻與運司却撥上件鹽回本州自行受納仍舊發賣與民每斤價錢二十二文以此二分鹽外又添此一項科擾

與本州守倅面議將二分鹽每斤一例減作二十文及將身丁鹽撥隸運司白石場入納却歸還三千三百三十六羅價錢所餘二分鹽數更不分戶丁祇自從便發賣及將鹽丁所納折米鹽撥隸白石場交納一雷州元額發賣二分鹽六千二十羅計六十萬二千斤每斤三十文足上件鹽係科下三縣發賣內海康縣每年主戶一丁食鹽一十二斤客戶一丁六斤本縣於每斤價錢外又收錢二文每斤計收錢三十二文遂溪縣每年主戶一丁食鹽二十四斤客戶一丁一十二斤本縣及賣鹽官於外每斤又收錢五文每斤計收錢三十五文徐聞縣每年主戶一丁食鹽二十斤客戶一丁一十斤本

縣賣鹽官於外每斤收錢一十文每斤計錢四十文州郭每年主戶第一等食鹽八十四斤第二等六十斤第三等四十八斤第四等三十六斤客戶每年食鹽一十八斤每斤錢三十文自合裁減數於元賣鹽額減去三千二十羅計三十萬二千斤只以三千羅計三十萬斤為額每斤一例減作二十五文足分主客丁收買內主丁每歲額錢一百三十七文足買鹽五斤半客丁每歲納錢六十九文足買鹽二斤一十二兩本州見管主戶四萬六百八十七丁共買鹽二十二萬三千七百七十八斤半客戶二萬七千六百二十二丁共買鹽七萬五千九百六十斤半外剩鹽二百六十一斤充本州官吏

收買食鹽更不置場發賣逐年祇是一次於五月間齎
買鹽價錢隨身丁錢一頓赴州交納就州倉即時支給
一化州元買二分鹽四千四十羅計四十萬四千斤係
分撥下三縣發賣內吳川縣每斤三十文足石城縣每
斤三十五文足照得於二分鹽外又般賣衣賜鹽九百
餘羅乞將鹽額減去一千四十羅只以三千羅為額三
縣鹽價每斤並一例減作二十文足仍住罷逐縣賣春
冬衣鹽一高州元額賣二分鹽五千八百七十五羅計
五十八萬七千五百斤係撥下茂名電白信宜三縣將
主客戶作一等計戶發賣信宜縣每斤四十五文足靈
白縣每斤四十文足茂名縣每斤三十三文足淳熙十

六年十二月終有未賣盡鹽六十九萬八千八百八十斤係淳熙十四年以後每年賣未盡之數緣本州私賣春冬衣鹽一千三百餘羅每月每戶又科買寬剩鹽二斤致得二分鹽數發賣不登緣賣二分鹽本州只得三分息錢若自賣衣鹽及寬剩鹽本州全得息錢使用致本州專以衣鹽寬剩鹽為意却有虧下二分鹽數又緣鹽價太高兼照得運司每歲自有科撥錢付本州充春冬衣賜支遣今措置合行罷三縣衣鹽及寬剩鹽數仍減去二分鹽額從舊計戶分主客等第收買本州見管主客戶二萬六千四百八十六戶內主戶一萬八千二十一戶每戶一全年買鹽一十九斤一十二兩計錢四

百九十四文足共買鹽三十五萬五千九百一十四斤
一十二兩客戶八千四百六十五戶每戶一全年買鹽
九斤每十二兩共錢二百四十四文足共買鹽八萬二
千五百三十三斤一十二兩尚剩鹽一千五百五十一
斤八兩作本州官吏請買更不置場發賣仍將主客戶
分上下半早請買齎錢赴州交納就州倉即時支給官
鹽仍住罷三縣春冬衣鹽及寬剩鹽一欽州元額賣二
分鹽二千五百羅計二十五萬斤每斤五十四文足係
作三等出給歷頭每月上戶買鹽三斤中戶二斤下戶
一斤半惟是鹽價太高今乞添鹽減價更不須分戶分
丁祇作一場從便發賣續據欽州申款每歲就雷州鹽

村場添給鹽百百羅并元撥鹽二千五百羅通作三千
羅計三十萬斤付本州添助發賣其鹽價舊係每斤五
十四文足今減二十四文足就州置場聽從民戶多寡
收買每斤只收錢三十文足詔高雷欽化廉五州鹽丁
將已減定鹽額依數煎起不計擅行私煎盜賣轉運提
刑司常切覺察毋致仍前減尅及別作名色科敷民戶
如有違戾去處許人戶越訴將當職官具名奏劾人吏
重行決配 十二月二十三日廣東提舉劉坦之言向
來朝廷專遣胡庭直遍詣二廣詢究鹽事亦嘗考究東
鹽遞年於本路只是賣五萬以上羅或僅六萬及二廣
通行客鈔時除通販入西路外東路亦止是實及六萬

朝廷若只仍舊以七萬五千羅為科例則本司前後於一歲之內未嘗超得登足多是拖壓半年方始賣絕徒費催理今每料只乞實降六萬羅額下本司收簇應期在一年之內發足仍將東路鈔引每料只與給降六萬羅所是元年分除申乞存留合繳納淳熙十六年料鈔引一萬五千羅接續招賣外更乞撲降鈔引通作六萬羅數須管在一年內賣盡收錢如期起發庶幾不致積壓所是鈔引日下更乞催促頒降詔每歲與減一萬羅須管於一年限內出賣盡絕 二年三月二十二日戶部言成都轉運司奏彭州崇慶府永康軍眉州成都府屬縣合般賣隆州井鹽產鹽三千六百八十九担緣比

年鹽價稍賤銀於變賣本司已每擔減價錢引一道理
納計減錢引三千六百八十九道本部乞下成都轉運
司常切遵守從之 四月七日四川制置司言先奉旨
歲捐緡錢一百三十五萬對減鹽酒同總領所諸司條
具聞奏伏見鹽井戶係三年一次推排酒店戶係二年
一次推排本以糾次豐盛折敗去處竊緣諸司昨自減
放指揮日下就制置司置局諸司會議收起課額與推
排之籍考核增虧見合行湔減貼減分數令若不候對
減指揮之下便與推排却致失實乞行下實對減鹽酒
窠名錢數詔京鐘楊輔公共見四川總領所及逐路
提刑司去年一全年認椿錢數斟量諸司所奏湔減貼

減事理并逐月減放指揮自今年為始一面據數對減
務在均當惠利及人 七月九日戶部言承指揮廣東
提鹽司紹熙元年料鈔七萬五千羅內減一萬羅本部
照得元不曾下部勘當是致暗失經常合得錢數六萬
三千八十貫文詔所減鈔引自紹熙二年為始 同日
戶部言夔州乞將本州奉節巫山兩縣轉運司科擾鹽
每斤減作一百文變賣所有虧價錢共一千三百二十
道三百六十四文州司抱認解撥乞下四川總領所從
本州所乞施行從之 八月十一日廣東提舉趙不迂
言乞將紹熙元年賣不盡鈔引四千四百二十五羅免
賣繳納并將紹熙二年以後降去鈔引內更減五千羅

戶部審詳以降
紹熙元年鹽鈔至
今尚有餘數若不
隨其所謂多是
發賣不行詔每
年裁減五十萬

沐季自上

委自本司措置務寬民力仍不得等第計口科賣
十一月二十七日南郊赦四川鹽井多有年深泉脉不發
陳乞棧閉官司不為施行虛負重課累降赦文約束訪
聞因渲淘舊井間有鹹脉去處州縣又令別增新額不
與對減見欠之數可令逐路監司相度將實合棧閉與
所添新額取見詣實依條施行不得仍前抑勒 同日
赦福建州縣往往科賣官鹽騷擾民戶至於無本起綱
白行敷歛重困民力昨降指揮運司相度已行裁減價
直訪聞近來漕司却將州縣積欠折閱價錢仍舊催理
以致縣分科歛陪填深恐騷擾民戶可令漕司契勘本
路運鹽州縣見有積欠增鹽折閱價錢的實數目申

尚書省 同日敕諸路鹽場昨緣不依時支放本錢及
有減剋之類以致歲額不敷仰諸提舉司遵守累降指
揮約束所部須管依時支給不得減剋如有違戾將當
職官吏按劾以聞許亭戶越訴 三年閏二月二十九
日中書門下省言已降指揮令淮東提鹽司將客人合
納鹽本等錢權用四分会子六分見錢候會子流通日
却用錢會中平人納其亭戶本錢亦合照所收分數支
給詔准東提鹽司將收到客人錢會除各起稽等名色
外其餘數目須管照分數盡實支還亭戶不得減剋違
戾 三月二十二日戶部言福建轉運司奏本路鹽綱
每一大綱計一十萬斤外許帶拖脚鹽一萬斤蓋以優

閩運綱稅戶則係一綱一十一萬斤為定今來州縣稅
場每綱收免檢綱錢三百二十六貫八百三十四文即
是違法乞下福建轉運司鈐束州縣今後不管妄行收
稅亦不得再行收納免檢綱錢令本路提舉提刑轉運
司覺察將違戾官按劾從之 同日戶部言福建轉運
司見本路縣道般運鹽綱惟賴分隸得市利益以充縣
用并應辦州郡上供之類若有餘則趙那循環作本接
濟起綱用若縣道綱數及額則縣用自然優裕其於州
郡合起錢物可以格辦今縣道運到一綱州郡便行拘
截盡充板帳上供之數縣無力以起後綱或有已起綱
在道則無錢接濟已行下逐州須管通融應副不得截

留其縣道合發本州上供錢物即將起到綱運市利鹽
措置起發仍留本柄循環接濟乞下福建轉運司今後
屬縣拖欠錢湏管放鹽綱下縣賣錢發還不許拘截亦
不得差官下縣監賣本路轉運提刑提舉司常切覺察
如有違戾許逐司按劾從之 六月九日吏部尚書趙
汝愚言蜀人趙開紹興初為都轉運使所議鹽法最為
精密其法井戶皆不立額惟禁私鹽而諸州縣鎮皆置
合同場以招客販其鹽之斤重遠近皆平其立價均一
故無彼此傾奪之患開又因時之貴賤而為翕張今其
法盡廢井戶多鑿私井務以斤重多寡相傾故鹽日多
價日賤而法大壞乞行下總領所參照舊法施行從之

九月二十三日中書門下省言前淮西總領劉頴乞將鹽鈔許商賈每袋用交子一貫計四十八萬餘貫除應副屯戍軍兵支遣外餘數合行措置詔依劉頴所申其交子依已降指揮每貫作七百七十足出入所收交子有出剩之數仰本所椿管聽候朝廷指揮 同日詔封椿管支會子六萬貫撥還左藏西庫 以戶部侍郎馬大同言廣東提鹽司歲額鹽鈔七萬五千羅紹熙元年減一萬羅并賣不盡殘鈔四千四百二十五羅今又減五千羅三項通計錢一十二萬三千一百一十五貫六百五十文係是起發戶部支遣之數乞下左藏封椿庫照數以銀兩撥還故有是命 十月十七日詔准東

提舉司客旅入納貼鈔錢自今每袋許用會子鐵錢各
三分交子四分先是淮東提舉銜涇有請於朝為本
路鹽倉客人貼鈔錢依近降指揮以官會四分鐵錢六
分入納今來既行交子所有立定六分合聽商旅之便
或令以分數入納得旨客人合納貼鈔錢內許內三分
交子入納至是中書門下省言立定交子數少未甚流
通故有是命 四年五月十三日廣東提舉司言本路
歲賣鈔鹽六萬五千羅今準指揮減免五千羅為額其
減五千羅乞於內以三千羅專減潮惠南恩產鹽三州
歲餘二千羅却均減不係產鹽諸州今給到紹熙三年
產鹽六萬羅隨宜裁減均撥除不係產鹽諸州別行減

撥外其產鹽三州內潮州欲權減四百九十八羅惠州
欲權減二千四百七十羅南恩州欲權減一千二十九
羅實賣鹽五千五百一十七羅竊緣三州各有拖欠紹
熙二年分鈔錢通計三萬一千七十五貫見行推納今
若以三年分鈔引鹽羅發下各州必便均於民間使其
重疊納鹽愈見困弊今將收簇到錢代納三州紹熙三
年分鹽五千五百一十七羅計正鈔漕計頭例鹽本等
錢五萬一千七百六十八貫二百文與歲計並無相妨
庶幾少寬三州之民從之 九月十七日詔刑寺自今
遇有提舉司申到合該責罰官照應紹興二年七月二
十三日指揮施行以提領權貨務都茶場言浙西提舉

司管下鹽場煎鹽不及舊額管以遞年之數比較增虧
故有是命 五年正月一日戶部言四川總領所申潼
川府鹽酒為蜀重害伏見通秦州海鹽所至並無征稅
而蜀中之鹽官收其土產錢則已係納稅又給賣與官
引則亦是官貨所過又從而征之歆乞過通秦鹽法盡
與免諸州縣鎮鹽稅使客旅通流總領所照得四川鹽
貨州縣稅務不止從省額收稅又有額外增收如買酒
錢到岸錢塌地錢之類皆是一時增創乞下成都潼川
府利州路諸司中嚴禁止不得於鹽樁引面官錢額外
苛取井戶客人錢物從之 二月八日詔罷利州東西
路鹽店七處良家子撥隸興元府都統司以四川總領

楊輔言利州東路安撫司所置鹽店一處亦請一體施行故有是令 三月一日臣僚言訪聞福建安撫司措置出賣犒賞庫田易鹽約束甚嚴權販甚廣多差官吏至坊場事體驟新民旅非便乞令福建帥司日下住罷所置官吏坊場今後置鋪不得出門從之

宗以會光

宋會要

紹熙五年八月二十七日詔廣西鹽額歲減一十萬貫
以侍御史章穎言乾道以後大臣當國者皆以理財
為務如鹽袋錢頭子勘合錢官戶減半役錢又復增取
者七八百萬緡可謂重矣如樁_樁經總制之類雖未可
頓減而江浙和買廣西鹽額之類皆可稍損以寬民力
故有是詔既而廣西運判張釜言今準指揮歲減鹽額
一十萬貫仰見朝廷加惠遠人之意除高廉雷化欽五
州係沿海去處昨來已經裁減外更不再減止將自餘
一十六州府鹽額照應通融裁減條列於左靜江府元

額賣鹽三萬一千五百六十一羅每羅價錢一十貫文
足緣本府逐年所賣鹽羅係全撥息錢付本府支遣今
減去鹽三千五百七十四羅零一十七斤共展計錢四
萬六千四百一十七貫七百九十二文省內除循環鹽
本腳錢每羅三貫五百五十三文足共展計一萬六千
四百九十二貫二百四十文省外共虧下歲額息錢及
元奏存留鹽本錢兩項通計二萬九千九百二十五貫
五百五十二文省融州元額賣鹽二千二百七十五羅
宜州元額賣鹽三千四百五十八羅每羅價錢一十三
貫文足緣本州逐年所賣鹽羅係全撥本腳息錢付本
府支遣融州今減去鹽一十九羅通計虧下本州錢三

千二百七貫七百九十三文省宜州今減去鹽五百羅
羅通計虧下本州錢八千五百七十六貫六百二十四
文省藤州元額賣鹽三千三百二十五羅每羅價錢八
貫文足今減去鹽四百二十五羅共展計錢四千四百
一十五貫五百八十五文省內除循環本脚錢每羅二
貫五百九十八文足共展計一千四百三十三貫九百
六十一文省外內虧下歲額息錢及元奏存留鹽本錢
通計二千九百八十一貫六百二十四文省貴州元額
賣鹽二千六百二羅每羅價錢九貫文足今減去鹽六
百二羅共展計錢七千三十六貫三百六十四文省內
除循環本脚錢每羅二貫七百三十八文足共展計二

千一百四十貫六百一十七文省外共虧下歲額息錢
及元奏存留鹽本錢通計四千八百九十五貫七百四
十六文省容州元額賣鹽二千九百六十一羅每羅價
錢七貫文足今減去鹽五百六十一羅共展計錢五千
一百貫文省內除循環本脚錢每羅二貫四百八文足
共展計一千七百五十四貫四百文省外共虧下歲額
息錢及元奏存留鹽本錢二項通計三千三百四十五
貫六百文省梧州元額賣鹽二千羅每羅價錢八貫文
足今減去鹽三百羅共展計錢三千一百一十六貫八
百八十四文省內除循環本脚錢每羅二貫八百四十
八文足共展計錢一千一百九貫六百一十一文省外

共虧下歲額息錢及元奏鹽本錢通計二千七貫二百七十三文省昭州元額賣鹽三千六百羅每羅價錢一十貫文足今減去鹽六百羅共展計錢七千七百九十二貫二百八文省內除循環本腳錢每羅三貫三百四十八文足共展計錢二千六百八貫八百三十二文省外共虧下歲額息錢及元奏存留鹽本錢通計五千一百八十三貫三百七十六文省邕州元額賣鹽五千八百羅每羅價錢一十貫文足今減去鹽六百羅共展計錢七千七百九十二貫二百八文省內除循環本腳錢每羅二貫七百三十四文足共展計二千一百三十貫三百九十文省外共虧下歲額息錢及元奏存留鹽本

錢通計五千六百六十一貫八百一十八文省橫州元
額賣鹽一千四百三十三籬每籬價錢九貫文足今減
去鹽一百三十三籬展計錢一千五百五十四貫五百
四十六文省內除循環本腳錢每籬二貫四百一十四
文足共展計四百一十六貫九百六十四文省外共虧
下歲額息錢及元素存留鹽本錢通計一千一百三十
七貫五百八十三文省潯州元額賣鹽二千七百九十
籬每籬價錢一十貫文足今減去鹽七百九十籬共展
計錢一萬二百五十九貫七百四十二文省內除循環
本腳錢每籬二貫九百八十八文足共展計三千六百
一十文省外共虧下歲額息錢及元素存留鹽本錢通

計七千一百九十四貫一百三十二文省賀州元額賣
鹽四千五百四十五羅每羅價錢一十貫文足今減去
鹽一千七十五羅共展計錢一萬三千九百六十一貫
三十九文省內除循環鹽本腳錢每羅三貫四百四十
八文足共展計四千八百一十三貫七百六十七文省
外共虧下歲額息錢及元奏存留鹽本錢通計九千一
百四十七貫二百七十三文省柳州元額賣鹽三千五
百一十羅每羅價錢一十二貫文足今減去鹽五百一
十羅共展計錢七千九百四十八貫五十二文內除循
環鹽本腳錢每羅三貫五百四十八文足共展計二千
三百四十九貫九百七十四文省外共虧下歲額息錢

及元奏存留鹽本錢通計五千五百九十八貫七十八文省賓州元額賣鹽二千三百八羅每羅價錢一十一貫文足今減去鹽四百八羅共展計錢五千八百二十八貫五百七十二文省內除循環鹽本脚錢每羅三貫三百三十八文足共展計一千七百六十八貫七百六文省外共虧下歲額息錢及元奏存留鹽本錢通計四千五十九貫八百六十六文省鬱林州元額賣鹽三千羅每羅價銀七貫文足今減去鹽三百羅共展計錢二千七百二十七貫二百七十三文省內除循環鹽本脚錢每羅二貫一百三十八文共展計八百三十二貫九百八十七文省外共虧下歲額息錢及元奏存留鹽本

錢通計一千八百九十四貫二百八十六文省象州元
額賣鹽二千五百八十羅每羅價錢一十貫文足今減
去鹽六百羅共展計錢七千七百九十二貫二百九文
省內除循環鹽本腳錢每羅三貫三百四十八文足共
展計二千六百八貫八百三十一文省外共虧下歲額
息錢及元奏存留鹽本錢通計五千一百八十三貫七
十八文省以上共均減鹽一萬一千一百七十六羅零
一十七斤除循環鹽本腳錢外虧下息錢及元奏存留
鹽本錢共十萬貫內諸州府歲計息錢五萬四千九百
九十六貫八百五十二文省諸州三分息錢一萬二百
三十二貫八百四十文省漕司七分息錢二萬三千八

百八十三貫八百九十四文省元奏存留鹽本錢一萬
八百八十六貫四百一十四文省若逐州府似此減下
鹽額即自今以往鹽數不多妄實可以發賣及額不致
妄作名色科配擾民但各州見賣息錢及每羅元奏存
留鹽本錢皆是指定應副逐處一歲支用及漕司起解
上供買馬并全年應干支撥之數分文不可欠闕今既
準指揮歲減賣十萬貫所有諸州府合得錢六萬五千
二百二十八貫四百四十四文省漕司合得錢三萬四
千七百七十一貫一百三十一文省未委於是何窠名
內撥還今契勘本司一全年合支撥四十一萬七千二
百五十餘貫應付一十六州府歲計并糴闕米錢八萬

貫應付經畧司買馬錢五萬三千二百餘貫撥還諸州
府三分錢二萬四千餘貫應付廣東推鋒軍券食錢八
萬四百四十餘貫起發湖廣總領所錢三萬貫應付靖
州歲計錢四萬九千二百餘貫貼助廣副逐年進奉銀
兩三年一次大禮銀經畧提刑到任陳設出戌官兵掛
甲卸甲宜州蠻人生料鹽本鬱林州甲軍諸場官吏請
受公使雜支船場打造丁灰等錢以上並係指定緊要
窠名不可那輟於內獨有總領所靖州兩項錢檢照舊
例却見得本路前來行客鈔年分即不曾起解乞朝廷
檢照臣同經畧朱晞顏元中奏事理於逐年合發賣起
辦總領所靖州額錢內減免十萬貫撥還今來減下發

賣鹽額息錢庶幾本路官般之法自此永久無弊詔令
於合解湖廣總領所錢內依數取撥 九月十四日明
堂赦諸路鹽場昨緣不依時支散本錢及有尅減以致
額不敷仰諸路提舉司遵守累降指揮約束如有違戾
將當職官更按劾以聞許亭戶越訴自後郊祀明同同日
赦訪聞州縣有將人戶計口抑賣食鹽甚違法意可令
禁司覺察禁戢如有違戾按劾施行自後郊祀明同同日
赦在法違欠鹽錢止合估欠人并牙保人物產折還即
無監繫親戚填還及妻已改嫁尚行追理之文昨令戶
部申嚴行下許人戶越訴自後郊祀明同同日赦官司輒
立茶鹽鋪虛給帖子均科人戶勒令齎錢越鋪繳納未

嘗支給茶鹽顯是違法科抑仰提舉司及諸州主管官

嚴行禁戢許人戶越訴

自後郊祀明堂赦並同

閏十月九日詔興

元府興州金州都督安撫司督責所部閑隘戍守官兵

嚴切禁止毋令解鹽稍有透漏侵射川鹽緣所屬奉行

不虔致有違戾仰照應已降指揮常切遵守施行

從四川制

司總所請也

慶元元年二月七日詔通州循環鹽鈔住罷將

增剩鈔名改作正支文鈔給筭與日前已投在倉增剩

鹽鈔通理資次支請以淮東提舉陳損之言本路真

泰高郵軍三倉並係客人筭請一等增剩鈔前來用到

倉月日從上支鹽獨通州有循環增剩兩等文鈔據客

人先買一鈔却更重買一鈔以為占壓其先鈔號為舊

鈔而重買謂之新鈔舊鈔攬支監去則重買復為舊鈔
如此號為循環紹興兵火後舊鈔之額不存本州土豪
鈔鋪收得詭名舊鈔兌與新來客人赴倉占壓資次當
日便可攬支監袋小商止將增剩鈔到場無力買循環
鈔者致有半年數月不能支請本倉循環鈔自今實有
三千五百十八袋兼有力之家收藏兌買姦偽多端虧
欠官課於通州則循環於官委無所益只與鈔鋪為衣
食之源本倉合千人因得分受其利乞截日住罷只用
一色增剩鈔支請所有見餘循環鈔今後本司先行驗
實方始發與通州倉支監以革姦偽旬月之內舊鈔可
以盡絕庶使小商無占壓之害故有是詔 十一日知

黎州王閩詩言本州係西南極邊止管漢源一縣地瘠民稀稅賦寡薄歲計元係轉運司科撥邛州蒲江井鹽一千七百九十六擔有奇變賣自今每斤計錢三百二十文比年內郡鹽價比日前愈更低小而本州歲額之鹽尤發賣不行科徭於民雖貧乏下戶計口納直各有定額負鹽直而流徙者不可勝數內則省計愈虧外則邊民告病頃者言之制帥將所賣鹽價以三分為率裁減一分其一歲所減計一萬六千緡總所出一萬道制漕二司各出三千道對還本州省計所科撥鹽每斤只以錢引三分出賣每分計鐵錢七十足自來年正月一日為頭所有科賣民戶食鹽簿籍並與除去務從民便

乞下四川制置司總領所成都府路轉運司永久遵守
施行從之 九月二十二日詔准東浙東西路提鹽官
仰日下仰榜嚴行約束照條鹽袋並以三百斤裝打不
管分毫大搭仍常督責覺察切待朝廷於三務場官內
不時互差前去倉場抽摘秤製如有違戾即將提舉官
及本屬官吏申取朝廷指揮重行責罰苦點檢後再敢
拆袋暗增斤重許諸邑人陳告得實犯人依私鹽法斷
罪追賞 以提領推貨務都茶場所言據臨安府主管
茶鹽官王補之申近因諸場運到袋鹽躬親抽摘秤袋
有大搭斤重之弊上虧鹽額下損亭戶本務照對淮浙
鹽場昨係各場自行支抹客鈔續緣各添斤重招誘客

人昨來浙西徐誼因三路提鹽官各縱所屬競增斤重
以傾隣路每益一袋至有四百斤雖名優潤商旅而實
坐困亭戶遂用廣陳舊斛酌中數每百斤加十四斤為
袋今王補之既見臨安鹽袋秤計淨鹽三百六十八斤
乞照條重別打袋竊恐乘此聲勢淮浙鹽場益無忌憚
遞相倣倣轉加大搭課額日虧實為利害故有是命既
而臣僚有請近年申嚴不一三路視為具文竊恐暗虧
國課乞下提領所每季或半年委官點檢從本所繳申
都省將最多斤重一處官吏責罰以警違戾從之 四
年十一月十八日詔處州慶元縣每年抱認鹽課一百
袋自慶元六年為頭課額解納浙東提舉司

從縣尉趙
謙置邑後

也

嘉泰元年正月七日詔福建路上四州今後止許

逐縣將運到逐綱官鹽並從先來裝到羅節照元製色

味斤兩斟酌時價出賣不得拌和泥土增擡價例除退

直扎聽從人戶自行收買不得科敷抑賣仍曉示遠近

通知所有知縣每斤食錢一文更與裁減如有違戾鹽

司按劾重寘典憲人吏當行決配以臣僚言福建路

建寧府南劍汀州邵武軍謂之上四州以地據大溪上

流財賦絕少皆藉產鹽自合逐州逐縣照元來運到元

製鹽貨并元秤斤兩量立價賤出賣聽人戶自行收買

官中亦自獲利不少淳熙初有提刑謝師稷按其違戾

知縣數人免科鹽者數年今乃多是灰土拌和斤兩虧

少却以包裏減剋與向來裝網之日色澤分數不同立
價又重複有巧作名色除退名曰苴扎每鹽一斤不得
六七兩緣此民間不肯收買是致私鹽盛行兼以科抑
民戶每買鹽一斤知縣得錢一文任滿厚載而歸疲民
困苦無懇乞委憲使體究革絕其弊一如謝師稷所行
故有是詔 二年十二月十八日詔淮東提鹽司貼納
鹽錢與免納二分交子止用錢會中半萬例用錢會各
四分交子二
至是客人訴其不便故也四年二月十二日變路運判李訖言大寧
監鹽塲歲起二百五十萬斤體例本司自擬待闕官一
員往充外計簽廳既無綰繫印紙苟請俸給或虛額誑
申或減秤乾沒乞將鹽塲從吏部差注初任京官次任

選人從之

十月十五日浙西提舉茶鹽史彌遠言產

鹽地分弓手土軍與亭戶相為表裏庇其私煎盜賣復

以巡捕為名橫行村落反與私販之徒極力防護巡尉

玩習全不舉職乞將歲終諸路鹽場辦到課利比較最

虧去處本地分巡尉如實有透漏與場官一等責罰從

之所開禧元年五月一日三省言行在建康鎮江推貨

務官賣淮浙鹽鈔自去年減價今已一年合議復還舊

價詔自今降指揮到日為始依舊價貫金銀錢會復還

分數則例優潤入納嘉泰四年三月一日減價指揮更

不施行日後永為定例斷不增減先是嘉泰四年三

月一日詔臨安建康務場發賣淮浙鹽鈔自嘉泰四年

四月一日為始除鹽倉合納錢依舊外每袋於務場合
納錢數內各減二貫文內臨安五分金並以會子入納
既而淮東總領梁季秘言鎮江務場乞一例優減從之
至是三省有請故有是命 七月三日詔諸路鹽倉場
監買納催煎監官任滿如無虧額提舉司結罪保明申
務場所契勘行下批書虧額數多候補足方許離任九月
六日又詔鹽倉監官亦九月二十八日詔臨安紹興
照催煎官一體私行府四渡官捕私鹽並與依格推賞內舉主未足人每合
轉一官與減舉主一員該累賞人取旨施行 十一月
十六日提舉浙東茶鹽章燮言乞就慶元府定海縣龍
頭地名洪店創置鹽場每歲以一千八百八十四袋立

額辟差監官從之 二年正月二日詔淮浙提鹽司各行下所部鹽倉場自今新鈔一袋搭支舊鈔一袋如新鈔多於舊鈔或願全用新鈔支鹽及無舊鈔而願全買新鈔者聽並以新鈔理為資次其行在建康兩務所賣淮鈔自截日終令行在專賣真州鈔建康專買通泰州高郵軍鈔不許仍前交互其嘉泰四年十二月己降理舊鈔指揮更不施行 先是嘉泰四年十一月二十六日詔淮浙提鹽司行下所部鹽倉場自今新鈔三袋搭支舊鈔七袋如新鈔多於舊鈔或願全用新鈔支鹽者聽並以新鈔理為資次繼而十二月二十一日又詔以七袋舊鈔三袋新鈔品搭仍舊理舊鈔資次近降理新

鈔資次指揮更不施行至是復有是命 四月十七日

臣僚言江湖淮浙京西茶鹽自有專法歷歲滋深寧無
抵牾乞宣示敕局將紹興二十一年八月以後應頒降
鹽法指揮參以紹興舊法審訂成書頒行從之 九月

十三日明堂赦大淮浙鹽倉場收買鹽貨多是大秤斤
重少支價錢却將寬剩鹽數妄作亭戶入中支請官錢

分受人已令提舉司檢坐元降指揮行下禁戢

自後郊祀明堂

赦並同以上

嘉定元年二月二十五日浙東提舉司言

定海清泉場管下穿山長山兩子場立為正場辟差監
官乞每歲各以三千袋為額其元額其元額四千九百
八袋令清泉場自行買運從之 三月二日浙東提舉

司言慶元府昌國縣岱山高南亭子場乞以每歲三千六百袋為額辟差監官從之三年八月二十七日詔亭塌鈔引之家低價買會每貫用錢三四百文及納官却作一貫見錢直使又增長舊鈔之價每鹽一袋賣官會百貫以上自今指揮到日鹽鈔官錢每一袋增收會子二十貫仰三務場開雕大字宋印於鈔面作某年某月新鈔候通賣及一百萬袋即與住免增收其日前已未支鹽鈔並為舊鈔與立限一年並齎赴倉場支鹽每袋貼納官會一十貫出限更不行用仍用新鈔六分舊鈔四分以新鈔為資次所有嘉定三年六月新鈔三分舊鈔七分指揮更不施行九月五日淮東提舉茶鹽齊礪言去

冬楚寇猖獗管下鹽場凡四百有一竈而焚蕩毀壞者
一百六十餘座亭民逃竄死亡不知其幾已選官措置
仍多帶錢米招集乞明立賞格將創新興復竈分最多
人特與改合入官其餘比類循轉詔依所申所委官能
興復圓備委無違闕具職位姓名保明申尚書省內京
官及武臣與轉一官選人與減改官舉主三員仍於內
免職司一員十一月二十一日詔已降指揮令封樁
庫取撥會子四十萬貫付浙東提舉司五十萬貫付浙
西提舉司措置收買浮鹽經今日久令應差往浙東趙
汝述往浙西同提舉日下措置務使客販流通鹽鈔無
阻旬具已措置及已買數目申尚書省四年正月二

十日四川制置大使安丙總領四川財賦陳咸言內郡賦輸有激賞絹一色本紹興間從權施行自後因仍不免今歲計絹三十萬足為緡錢九十萬欲徑行除免即恐有虧總計竊見軍興以來鹽價倍增未軍興前每擔共不滿三十引今約五十引除引息柴火外淨息不下三十餘引臣昨每擔權增兩引官錢以助軍興歲計九十萬引今欲將上項所增兩引與四川人戶對減合納激賞絹以三年為準如三年後鹽價稍低即行除免惟瀘叙二州賦役甚輕其激絹仍行均科從之五年二月十三日廣東提舉司言前知潮州沈垣奏本州七等數鹽不均重為民害乞照福建路漳泉等州例隨產數

鹽劄令本司參議本司委官體訪有士民列狀言其不
便乞依舊例七等施行勘會舊來七等數鹽係以下縣
土色高下產錢輕重分為等第初無定說如潮陽以三
貫文為第一等而揭陽則以四貫海陽則以貫五今若例
以三縣一丈之產均五文鹽不均甚矣况自一丈產敷
鹽五文則五十文產納錢二百五十文而五貫文產已
納二十五貫文等而上之且無止法若產錢五十貫則
每歲當納二百有餘貫其何以堪令官司見行鹽價每
斤七十三文第七等戶潮陽則四斤半揭陽四斤海陽
則三斤半而潮陽所敷為重每年納錢不過三百二十
八文足每日食鹽不及一丈未為重困只緣本州後來

真州賣鈔司自
三月一日為始並
照自來定例入
納官錢內行在
務場

每斤納錢一百一十文足是以小民難於送納今欲以
三縣第七等數內一文至十文盡與蠲免其十文以上
至五貫以上並依舊來等第買鹽仍嚴行約束每斤只
從久價七十三文足不許多收亦不得專立單鈔只於
納本戶產錢鈔上帶納明言買鹽若干納錢若干使貧
民下戶皆被實惠從之 十四日詔行在建康鎮江三
務場用金銀錢會建康務場用交會見錢鎮江務場用
錢會真州賣鈔司用交會所有亭戶鹽本錢亦各照逐
路久例入納更不取增收錢內合納會子並用第十四
十五界新會應嘉定三年八月二十七日指揮以前舊
鈔未經監倉交收貼納舊會按理資次仰浙東西淮東

提舉司行下所屬支鹽倉場曉示客旅據所有舊鈔就
倉場繳納每袋貼納新會三貫却從倉場以新鈔換納
如有願以舊鈔徑於三務場及賣鈔司繳納依數納錢
換給新鈔者聽其收到換鈔新會並撥赴封樁庫交納
應令降指揮以前已用新舊鈔四六分品椿鈔數投理
資次者並照元來資次支鹽應今年三月初一日以後
買到鈔許以換給鈔作二八分品搭投理資次支鹽內
用新鈔八分換給鈔二分如無換給鈔可以品搭願全
用三百一日以後買到鈔理為三月一日以後資次者
亦從其便其支鹽倉場合用換給新鈔令太府寺日下
印造鈔引三十萬袋仍雕大字紅印該稅某年某月換

給鈔以千字文排定字號於鈔面印訖內以十五萬袋
均給付浙東西淮東三路提舉司仰本司徑自契勘分
撥下支鹽倉場以五萬袋付行在務場七萬袋付建康
務場二萬袋付鎮江務場一萬袋付真州賣鈔司遇有
換到舊鈔仰各處先照已給新鈔字號於舊鈔批鑒仍
抹訖類聚發赴太府寺點對焚毀施行仍仰三務場賣
鈔司各路提舉司常切拘推旬具已換給過鈔並袋數
并所收錢數申尚書省及提領務場所照應如有給新
鈔或收換舊鈔未數仰各續次申乞具用新鈔換給舊
鈔限在半年內了畢所有用二分換給鈔品搭八分鈔
支鹽並不拘定年限外有京西提舉司鹽鈔並免輸納

增收貼納錢徑自照久來體例理資次支鹽更不與三
務場及真州賣鈔司鹽鈔滾同資次 九月二十四日
詔行在建康鎮江三務場真州賣鈔司浙東西淮東提
舉司自十月一日為始再展限一季許客旅將嘉定三
年八月二十七日指揮已前未經鹽倉場投理資次舊
鈔照今年二月十四日指揮齎赴倉場給納每袋納新
會三貫就倉場以新鈔換給如願徑就務場換給者亦
從其便其用新鈔八分換給鈔二分品格支鹽或無給
鈔願全買新鈔理為十月一日以後資次者並照今年
二月十四日指揮施行今來所展日限已是寬恤限滿
定不再展所有今年二月十四日并今降指揮支鹽資

次及見今務場入納鐵錢則例並是永遠施行斷無衝
改仍仰三務場真州賣鈔司浙東西淮東提舉司廣出
文榜曉示外務使遠近通知其合用換給新鈔仰三務
場賣鈔司并各路提舉司約其合用鈔數疾速具申尚
書省行下太府寺接續印給施行 六年四月二十三
日浙東提舉司言準指揮以溫州鹽倉支發不行押袋
官與鹽倉官吏徒廢廩祿自乾道五年就場支請至淳
熙十二年復回州倉反不若就場支發之多令提舉茶
鹽司專委主管官措置支發起辦庶免添置冗員本司
檢照溫州五場管押袋官五員內減二員及溫州支鹽
倉監官兩員減一員申明朝廷照坑冶司分司幹官體

例辟差幹官一員就温州制司專一提督管幹溫台州
鹽倉場買運以減三員鹽官錢米為辟差幹官之俸並
是温州支給今拖照本州鹽倉支發袋鹽雖比未置司
幹官之前有增然較之再經減新額每歲猶虧一萬餘
袋欲將元辟差温州幹官並行省罷創下温州守倅須
管每歲登及元額如有虧欠具申朝廷取旨或能措置
增羨乞與旌賞所有欲令客人就場支發情弊甚多乞
只就鹽倉支發今既有罷提幹其支鹽官只有一員本
倉既是錢物去處乞復昨來省罷一官員同共管幹若稍
不究心容本司差官對易庶幾脉絡貫通不敢懈怠詔
並依內幹官先次省罷押袋官三員見任人各聽令終

滿已差下人令赴部注合入差遣其復置支鹽倉一員
且行堂除一次今後吏部使闕
茶鹽司言本路鹽倉場官逐考煎發鹽數合經本司批
書今徑經所屬州軍陳乞若第一考鹽額有虧却計囑
州縣批書如第二第三考更不虧數亦復赴那批書洎
至任滿方經所屬州軍開具逐考內鹽數供申本司今
據諸州軍申到倉場官任內所赴鹽數將本司事祖刷
算到的實煎賣支發鹽數與各州軍已批書數目各是
異同本司欲行改正緣各州軍先以批工難於追改乞
從今後權煎辦納支鹽官到任及考以至任滿許從本
司刷具的實超過鹽數比額有無增虧自行批上印紙

照證倉場官任滿從本司結罪保明申提領務場所行
下批書一任內超過鹽數庶幾確實不致冒濫仍行下
浙西浙東提鹽司一體施行從之 七年正月六日臣
僚言比年所在鹽亭戶困窮無力燒煮折而入於內私
販以至散為盜賊而富商大賈鬻錢請鹽資次積壓無
以應其所求有舍之而為他業者推原其故自提舉司
不支還鹽本錢始向徵亭戶先請本錢而後納鹽其後
則先納鹽而後請錢今買納到鹽出賣獲利稱息數倍
乃猶占愆不肯給還元價縱或支償士未一二幾於白
納而後已歆下諸路產鹽地分提舉司將日前所欠亭
戶本錢盡數支還自今收買到鹽即時給付元直不得

卷之八

抑勒虧減如更不許及後官到任於交割帳狀內添

入一項即無坐欠亭戶鹽本錢結罪保明如檢得見有

未支之數仰具申朝省重作施行從之

四月侍御史石宗禹亦有是請

三月九日臣僚言福建瀕海諸郡鹽不論錢裹時使民

計產納錢官給之鹽以供口食蓋防盜販之弊其後遂

為常賦而民不得復請鹽矣自產一文以上至二十文

各納鹽五斤每斤為錢二十一文足總計錢一百五文

足官司所入止此而胥吏交納所得數乃倍之自二十

文產以上每產一文加納三斤累千百析戶每產一文

又納鹽錢一斤其多者固不論而下戶之產一文而至

二十文者皆五斤也或原產二十文以下折而為三四

戶者又皆五斤也外此如僧寺有口食鹽船戶有浮鹽
交關田宅有契鹽名色不一而諸縣例以產鹽庫子兼
充宅庫意蓋可見此弊法也乞下轉運司明示榜文備
坐今降指揮將福之下四軍州凡^錢二十文產以下合納
鹽五斤之家盡行蠲免其析戶產^錢僅及二十文者不
得料納鹽錢從之